

摘藻堂四庫全書薈要

集部

欽定四庫全書薈要

集部

御製詩三集卷二十

五六

詳校官原任編修臣徐立綱



欽定四庫全書薈要卷一萬三千四百五十四

集部

御製詩三集卷二十五

古今體一百二首

壬午九

六月朔日喜晴作

幾片徂雲散若流今朝始釋苦霖憂  
晶熒日朗消雲礎  
西北風來入小樓旋轉初辰幸如願  
徊徨彌月憶從頭  
積羸廿九曾何謂不閏餘閒祇閏愁

日影

綿雨彌月過赤曦應朔開昭育德既盛朗照光亦煇散  
鬱有獨神除溽無不晐金翼稍南飛大火將西回雲片  
祛已淨日影漸轉來望久忽遇之寧弗欣我懷徘徊展  
我鏡依遲上我階宜暘信美矣流陰何迅哉鏡中幾點  
星愁霖添以纔

納翠樓五詠

鏡水

小樓曲榭蔽臨池樓上開窓影鑑宜却悟鏡雖能照物

要於用貴合其時

屏山

法在倪黃伯仲間  
假山歲久似真山  
橫陳謾議艱  
舒卷朝暮烟雲變態閒

松風

聲在天風觸在松  
無過假相去聲偶相平聲逢  
懶稱往事陶

弘景一掃嫌他尚有蹤

蘿月

羅葉森森蘿蔓垂無端月入影參差岸樓設擬虛舟艤  
恰似浣花點筆時

靜觀

屏山鏡水皆真緯羅月松風合靜觀但是偶然聊寓意  
一思無逸怵難安

賦得涵虛朗鑑

天水涵虛處襟懷朗鑑餘際空常澹澹照物祇如如目  
遠隨飛鳥心閒遊戲魚碧猶喜雲斂紋不藉風舒信是

得神畫堪通論政書憑闌適幾暇絜矩每開予

恭奉

皇太后御園賞荷作

南巡甫迴蹕彌月值愁霖晴定農民慶荷開

聖母臨得申歡養志久

鑑敬勤心試聽龍池樂都成角徵音

悅霽亭放歌

六月初六日

四日快晴始慰然昨夜驟霖復悵惘詎予無屋足避漏

心切小民怨咨想今朝此亭信可悅大霽虛明怡萬象  
旋愁旋喜毋固必或者予衷失涵養觀過知仁緣厯農  
自解自憐自偶賞

湛然室口號

如鏡空明如水澈物形不示照隨來謾言假藉虛題額  
此室何曾定見賅

覽尹繼善摺奏江南望雨因而成詠

閏夏京畿彌月陰江南正復望甘霖莫非予土思時若



艱致所思皆遂心

巡檐甫過苦霖憂  
閱摺翹懷霑澤不  
置筆仍希久晴好  
望多安得不生愁

詠和闐玉鳧魚壺

和闐綠玉尺五高  
纏頭歲貢罽以包  
玉人琢磨精釐毫  
漢銅鳧魚壺製標  
魚泳鳧翔圍腹腰  
不惟其肖其神超  
父已商丙辰周相爲  
曹事不師古厥訓  
昭無能擲山學  
神堯熱海砂礫間  
棄拋來賓翦拂成  
珍瑤席上之珍何

獨遙

愁霖

六月初十日

六月雨時行久晴安可必閏五已滂麥大田烜賴日難  
禁更漬霖雨輒心憂慄前日甫悅霽無何復雲出雖未  
即霽霖溽潤鮮乾室昨夜轉大作侵曉陰猶密廣廈或  
致漏比戶怨倉卒無計俾安處况慮農功失繁露以鼓  
攻迂緩嗟儒術祈晴詣玉泉責已寧從質

詣玉泉求晴

六月十一日

早來求雨滂求晴事異同歸重穡情古廟千秋

神佑永泰階六幕我慙生澤惟時爾多惟沴望固奢哉  
心固誠

天德好生資翊贊願收雲勢放曦晶

晴

迴舟猶澍雨到苑漸開晴詎是予誠格由來

神貺明所希旬日霽庶可晚田耕

天鑒欽昭赫滿盈志敢萌

復雨

六月十四日

連朝爽霽逢昨晚殷雷震雷而幸弗雨徹夜陰晴訊星  
斗燦達曙質明霧來迅曉霧常占晴此語殊不信始猶  
散細脚繼乃霈暴陣可憐兩日暄得未償失分民怨咨  
誰致我過任豈吝坐立胥弗安展轉庸可遯過午雲勢  
開徬徨慰且愁十日指期遙五字吟遣悶

禱興

北地旱實多愁旱我其常去秋今夏澇愁澇新試嘗其

常却慣經新試轉難當分劑各殊致聊復言其詳旱如  
望遠人既至心怡慶未至亟望時無過憂徬徨滂如剝  
牀膚切近灾堪傷未離去聲正劇際其苦難推忘以此例  
旱滂厥愁易較量浩浩氣方來掀掀聲未央雲師何不  
仁旱時惟深藏滂時乃乘勢大爲吾民殃  
天德本好生無往不復臧百神胥受職悔禍庶降康要  
之均我咎調幕無良方

喜晴

六月十七日

三朝晴已定方敢喜云然愛見炎蒸日均叨廣庇

天悔予言或戇幸此運將旋亟命借籽種俾毋誤晚田  
討源書屋即事

問

安每此退疇咨半夏常愁對雨斯三日連晴收礎溽樹  
蟬聲亦覺鳴怡

味閒齋

山陰有室窈而虛偷暇聊圖繁慮紓設問味閒何所味

祇宜閒者未宜予

題澹寧堂

窓涵背水白戶對面山青觸目樂仁知因心契澹寧志  
明淨波澈遠致聳峰亭交養動還靜相忘色與形取名  
緣蜀史玩象在義經敬憶

含飴處

堯文此式刑

予十二歲時蒙  
中於暢春園內

皇祖恩養育宮  
賜廬曰澹寧居

構虛軒口號

峯頂虛軒接顥空別峯紺宇鏡光中儻來構思於何會  
縹渺依稀正復同

漢玉螭壁謠

崑山瑞玉良工鐫

赤玉曰瑞  
又曰瓊

雙螭升降交蜿蜒食清亦

弗遊濁焉似浮碧水偃蹇蟠乃知以璫

碧玉

爲質堅尚之

瓊英絢則然否則佳城血浸殷出土不知伊何年文木  
作架陳書筵穆如與古相周旋

仿趙孟頫梧陰高士圖用題趙句元韻



不必七絃攬琴音流水彈傳神非阿堵師意試臨看

泛月襍興用陸游詩落景餘清暉輕橈弄溪渚以

句爲韻賦詩原韻

北郊敬躬行冒雨出閩郭五十餘日中愁霖日索寞其  
間豈無霽臙雲時作惡晴定茲稍慰星漢泛廊落

迴憶春南巡歷閱江浙境水鄉偏少雨花柳弄晴影松  
自屬棲霞石應讓龍井謝屐不沾泥一一窮佳景

佳景固亦欣所欣在耕鋤麥綠菜花黃香風攬轡餘青

齊及趙燕一例民安居春蹕實未負得詩率已書

得失詎有常古語譬凡荆歸來兩月間嗟哉滂象成浩  
浩泥滿塗車馬跡爲清奚怪怨咨民貴糴釜烹

望後霽三日漲水退石磯鵲噪晴可卜蛩吟秋欲歸我  
愁亦漸去去并但雲飛適可漾蘭舟高樹猶斜暉

斜暉漸下春旋與西山平金烏入寥朗明當雲不生以  
此稍慶幸其餘胥所輕莫認徒清遊穡事心中橫

福海一百頃

御園東池爲福海  
皇考時所命名也

周遭十一橋臥波白

驚眠戢浪鱖魚跳風從西北來秋意已蕭蕭乘涼貴紆  
徐何必催鳴橈

滄池如顙腹容物殊空洞逾望月上遲東林徒目送初  
更金繩吐掃却煙花夢謂我過時賞是爲誰所弄

忽憶孟襄陽輕橈泛耶溪放翁與之然水宿友鷗鷺以  
句爲韻語淨明如玻璃即景聊仿爲非欲較高低  
望晴懼滂間倏欲餞殘暑連朝朗霽天自此庶不雨麥  
芽已失困柔實冀堪杵夜風拂星羅歸舟遵曲渚

立秋

六月十九日

閏後節常早秋前報立秋金行先十日火德已西流風  
至頓含爽雲徂不欲留晚蕎全種未愁過冀消愁

題宋玉鸚鵡銜桃杯

相傳孝宗製以  
進德壽宮者

江山半臂宛中分那慮飛來鐵馬羣製器已看鸚鵡啄  
侑筵想對綺羅紛兩宮慈孝且相詡五國淒涼不復云  
德壽良辰酌梅石一杯可到岳王墳

新秋玉泉山

昨日西風勁夏雲散以無晨涼適尋勝秋意若斯夫溪  
鳥繁絃奏山花襍錦鋪白藏工繒事著眼在高梧

創得齋

創得得來久山清水復明怡遊今歲始正值曉秋晴孔  
席何曾暖歐辭特有情尋聲還前去覺亦稱斯名

擷翠樓

今歲玉泉幾度來愁霖望霽每徘徊山陰一曲茲初到  
阿閣兩層窓正開興在林間誠偶爾恐妨政務轉怍哉

重重翠色增濃潤憂樂惟人自取裁

乘涼登玉泉山絕頂

玉峯雖不高特立自爲頂是日秋風佳趁爽躋層嶺嶺  
巔有疏軒遊目興懷永南巡返蹕來七旬駒隙影愁中  
瞥眼過晴定茲微倖柔苗救半收稻秀芄千頃嗟我上  
農夫努力期實穎用茲稍自慰希夷寥廓境舍利塔當  
庭示我觀平等

題麗矚軒

高軒峯頂若鸞翔  
騁目無遮極渺茫  
秋色秋聲虛檻外  
遙飛逸興到山莊

罨畫窓

朝暮煙嵐變莫窮  
試詢此畫若爲工  
分明巖室霞標左  
避暑山莊霞標室  
其東曰罨畫窓  
祇欠鍾峯驀入中

涵漪齋

白屋碧波瀆虛明  
天水分間來堪閱  
世風到自成文苦  
雨愁何在對晴且  
復欣荷叢雙翠鳥  
飛去帶餘芬

題倚晴樓

高樓今歲原初到所喜憑闌恰倚晴雲不稱閒緣盡斂  
日雖婪暑已饒晶柔田即漸添黃色梧砌分明遞颯聲  
兩月愁霖詩句減撚鬚頓覺挾毫生

練影堂

濺沫飛巖練影明以空爲色寂爲聲司空廿四標詩品  
流動如斯可入評

影湖樓



湖水清無滓湖樓高有天快晴宜入影是日共澄鮮佳  
句於中得閒情率與蠲劉郎真可笑海上覓神仙

王蒙秋巒夕照

溫潤神情秀拔峯溪橋策杖有人逢底知夕照秋巒表  
幾點丹楓間老松

竹密山齋即事

暑雨今年恒弗時便宜綠竹放新枝愛虛欲識箇中趣  
圖密仍從他處移屢望孤梢風却寂乍嫌低葉露常垂

麥無黍歉蕎纔種爾竹雖佳亦底爲

偶題池上居

憂霖半夏太無聊  
皎日涼風霽接朝  
始覺秋光略可悅  
恰看愁霧與全消  
砌蟲鼓脇鳴方響  
埭竹擡頭意亦超  
四壁多粘望雨句  
此情秦越異遙遙

夜雨

七月初三日

晴剛欣半月雨  
又報三更那得高  
眠穩真成畏事驚  
籲停傾盜勢厭聽  
落簷聲曉起增繁  
慮無他祇望晴

雨中西直門外三首

御殿因之返帝都雨中策馬跋泥塗致齋歷此方徼倖

五月廿六日 兩月傷霖頓爾殊

久晴不足敵久滂今歲滂灾實異常昨夜茲晨纔細雨  
潤連沮洳已湯湯

低禾高秫都傷沴破壁頽垣不可看却繾江南方倖澤  
一時攬轡感多端

天慶宮像元劉鑾塑

南雕北塑古所傳大都神塑猶存元名手劉姓元與鑾  
東嶽搏換稱元賢茲天慶像鑿坯埏棟宇剝落像巍然  
呵護丁甲其敢延爲新棟宇丹腹鮮像弗增易如故焉  
是日路便展禮虔高居上帝絳節翩侍臣儀從飄乎仙  
曹司聾啞解事艱斯非曲欲爲其難以神喻人至理存  
一絜矩乃爲心寒

鏡清齋即景

新秋方一來細雨亦已止池荷有餘芳巖樹無雙美雲

意猶戀晴波光早見底卜度心靡寧那識林泉旨劬哉  
祈惟年慙矣鑒乎水

鏡香室

玉鏡朗披光波香細遞美秋來花事闌紅芳欲染紫我  
聞濂溪翁是卉方君子花或可逾時人逾時老矣我有  
用人責觸境懼乎此

畫舫齋口號

畫舫黃緣接鏡清來遊因便俯池楹米家煙雨非所賞

愜意端知在快晴

抱素書屋

擇勝構書堂周遭帶碧塘  
閑窓玩芳艾得迺自修篁  
匪所誇丹腹允宜貯縹緗  
因之悟禮後揭妙十賢商

道寧齋

北俯液池水南含瓊島  
陰自然成道趣何不可寧  
心得要神機契入微筦  
尋况今武保定益切旅葵箴

長河泛舟至鳳皇墩

視朝禮具御園迴舟進長河一溯洄別墅

樂善園

精藍萬壽

寺姑舍是昆明亟待試吟裁

湖墩至止可維舟今歲居然初度遊倒影樓臺依碧水  
宜人霽景報新秋

戲題春風啜茗臺

徒傳啜茗對春風偶到新秋悅霽空小坐未曾安席上  
高擎早見滿甌中武文火候夫誰待窺伺神情若輩工  
雅趣高人非我事當年何杜笑難同

卷雲亭

選字題亭曰卷雲本因峭蒨冠楣焚却嫌半夏名不副  
略得今朝意爲欣舉目峯巒愜遙望甄心翰墨挹清芬  
紫微佳句傳神邈皦皦青螺一噉分

顧瑛芙蓉雙鴛即用其韻

秋染紅拒霜水淺白沙渚雙鴛不知離夢中亦同處  
和闌玉對瀑仙

如茵細草坐茸茸指點飛泉走白龍自是大宛仙種在



採芝底藉命青童

吹噓

噓出氣口虛吹吐氣屑感一丹田陽類一肺腑陰屬陰  
故急爲寒陽故緩而燠開闔別乾坤義經誰不讀至理  
在人身反誠樂莫淑東國人倫郭西都宴喜陸糟粕實  
甚焉孝標斯裹足

題宋人撲棗圖

誰家曲院池塘清一株棗樹當閒庭秋來累累佳實成

羣兒玉筍皆崢嶸或是謝家諸弟兄否則童子遺去聲王  
曾撲不藉竿手雙擎以裾撻取以盤承於得戒貪都不  
爭善哉繪事能傳情不惟傳情童訓精

七月八日恭奉

皇太后木蘭行園啓蹕之作

通閏由來秋氣早孟秋初吉啓龍旃懸知瞻就迎諸部  
最喜

康強奉大年按頓依然息衆力逐程特廛閱農田黍稷

遭澇稀垂穗帑濟租蠲遑忍延

# 白河

白河之水竹箭翻塞山一帶爲其源處暑漲退橋已架  
行旅穩過無怨言去歲經此方待渡牽汭正資色目人  
來往立俾輜重過撇捩直使洪濤掀今年渡河縱安逸  
却因澇早一月前兩岸積水如去歲黍稷穗細色盡薦  
較量灾比昨秋重此况久矣心中存雖然此况心久存  
目擊更切如傷論

# 出古北口作

秦代長城太古秋清時來往習秋蒐刀耕火種率由出

壘敗垣頽那藉修真是不征譏亦簡

凡關皆有稅惟古北自康熙年間即

不征稅至今因之

幸因弗勞穫還稠度關多稼欣逢慶一百年

前有此不

# 跋馬

跋馬却輿輦廿年一例便

自啓駕日日乘馬木蘭圍畢始間御輿輦近有以宜御輿

輦爲請者却弗許自乾隆辛酉至今廿餘年不肯易此例

寧當因久懈率欲以身先

陡峽落銀瀑晴峯生翠煙騁懷得遊目摘句亦軒然

喀喇河屯行宮懷古

往事徵難信猶傳此黑城

喀喇河屯蒙古語爲黑城也

軒庭新歲月

閨郭舊榛荆北界夫何藉山田已遍耕致茲詎容易益  
凜守基情

翠雲堂

鬱鬱青松列四株庭前虬蓋翠陰扶秋臨復此乘涼好  
月上何曾對影孤過去片時即萬古未來百歲待斯須

崇山設以商顏擬不入留侯計裏趨

恭奉

皇太后至避暑山莊即事一律

潦退今秋早半月

大安日日奉同行

去歲阻滯因先啟蹕隨路視  
橋道俱妥始命誠親王恭奉

聖母就道

高年康健真堪慶

祖德恢鴻益塵情地自清涼聽午熱

是日微熱

黍方秀實利

西成廣仁嶺度山莊近恰有排班哈薩迎

時哈薩克汗  
阿布賚遣陪

臣蘇爾統都勒特赫勒等八  
覲適至山莊即於嶺前迎接

### 題秀起堂

去年西峪此探尋山趣悠然稱我心  
構舍取幽不取廣開窓宜畫復宜吟  
諸峯秀起標高朗一室包涵悅靜深  
莫訝題詩緣創得崇情蓄久發從今

### 振藻樓

樸堂既高豁曲樓復窈窕平陵入屋中  
緣梯降雲表景

奇意亦新顏之曰振藻戀情將樹態興會殊不少却笑  
錦囊人較此渺乎小

經畬書屋

面山書屋號經畬詠有山泉閱有書不是研田擬唐

庚

墾欲因義路效兒寬鋤五車學富何希彼兩字君難足  
起予幾度來來消幾刻箇中安得樂三餘

山行

山行尋鹿亦尋詩妙合而凝巧構思得失非他千古事



文章假我寸心知，瀑飛絕澗聲偏冷。  
峯較閒雲態更奇，半夏不堪回首憶。  
緒情欲藉此間怡。

靜含太古山房

秀起

堂名

占高朗山房別一區，稱佳以幽僻。  
契妙更清殊，松不煩新種石皆入古圖。  
子西善忖度心得乃先吾。

趣亭

小亭未足十笏勝趣乃占干山虛牖。  
奇供曠覽崇巖逸，謝勞攀流動則資石瀑。  
周遮不厭林關欲藉澄心觀物。

詎云徒尚高間

不遮山樓

山樓雖迴不遮山幾點新紅萬綠間  
竒破天慳欣始遇尋常林壑擬從刪

熱

出關頓覺峭涼生既至山莊熱轉迎  
無礙崖邊臨水坐有時林下趁風行  
愛看荷朶芳菲在尚聽蟬聲三兩鳴  
晚稼今秋尤藉曬憐民勞後補重耕

荷

幾柄秋荷擢塞灘  
年年芳色待人看  
卉中怪底稱君子  
頗似巖松耐歲寒

創得齋

了知深谷有山房  
策馬西峯下夕陽  
今歲初來即創得  
昨秋熟處已將忘  
鳥吟花笑自餘樂  
月白風清無盡藏  
婪熱固欣宜晚稼  
愛他嘉蔭亦乘涼

學古堂

書堂帶水復屏山小坐心常恁此間勉學

祖功猶未逮那更學古有餘閒

中元日觀河燈

山莊今歲中元度便放河燈漾碧連漫論盃蘭不遮闕  
果然時節有因緣一輪水月含天月萬朶金蓮映玉蓮  
巖鹿未知爲底事鬧餘惟喜靜尤便

避暑山莊啓蹕木蘭行圍之作

白露今年早中元度啓程野橋取路直潦水落潭平晚

稼偏宜熟秋空正快晴貴山求宿衛笑許鑒葵誠

哈薩克汗

阿布賚遣使請安爲其所遣陪臣鄂莫爾色楞白特爾二人懇留備羽林之屬因命爲乾清門侍衛遣住伊犁

### 賦得山泉賞

雲房

聖藻懸

志在賞山泉堪會知仁趣都包今古詮動歸緣有靜後  
樂以憂先實政吾猶未

崇情祇喟然

# 濟爾哈朗圖行宮作

卜克

嶺名

今秋西取途先臨濟爾哈朗

讀作平聲

圖戢橐早慶

貞符彼

已卯過卜克嶺曾有詩時尚未定西域也

安樂

蒙古語濟爾哈朗漢語爲安樂也

非

謀悅志吾黃野稼逢澇餘有碧空雲斂晚來無勤民習武均心詘詎爲高齋景足娛

## 曉行口號

秋雲似霧傍峯攢曉月如冰過望團野約橫溪連騎渡炊煙出樹引人看

阿穆呼朗圖行宮作

一宿圍場近構齋此憩停天然足山水成趣得軒庭率

省牽馱力堪頤情性靈顧名每思義寰海願康寧

蒙古語阿

穆呼朗漢語  
爲康寧也

過卜克嶺行圍即景四首

本是賢王遊牧地非年農父力耕田却因流寓增於昔  
私墾翻多占界邊

界限周陞禁制詳鬱盤過嶺即圍場詰戎柔遠於焉在

家法昭然敢不覆

過閏今年謂早寒迫來午熱拂秋鞍晚田賴此方成熟  
南望心因萬姓寬

卜克誠然協瑞符新疆田牧創長圖爾時原未廢遊獵

已卯秋過是嶺有貞符如卜克之句蓋爾時回中雖屢  
奏捷逆酋尚未獻馘今幸諸部胥定屯政具興還憶當  
年戒徒率獮聞批荅臨大事當有若無  
樞函固無稽畧刻也

雨獵

七月廿六日

塞山清曉雲如油須臾雨冪千峰頭獵騎已放奚事止



看城早駐藍旗旂

凡行圍以大黄纛爲中權以白紅二旗居左右翼之中兩翼前各以一藍

旗分隊馳進至二藍旗俱會駐看城則圍合矣

橐韃策馬便親往衝煙冒霧尋

清遊灑空時霏時却息岩枝澗葉翻銀流千二百卒宿

精練鴻網尚致野獸稠弓漸無礙燥手濡無礙柔一發

中其麋再發斃其麋四十八旗夙習見哈薩厄魯心服

尤中朝或有諳古者謂當罷獵學文侯既不受譽毀寧

受詰武身先意所留一之爲甚亦弗再傳宣明雨當停

蒐

兩江總督尹繼善奏報高堰五壩今歲未過水下

河州縣有收詩以誌慰

湖河分剗較分明兩壩東西示定程

洪湖水漲向苦五壩多洩下河滋害

今春南巡指授督河諸臣以湖水過誌一尺清口即拆壩十丈爲準灑流澹災實釜底抽薪善策也兼值

今年未淮漲

淮水今歲本弱又值預開清口遂未致過五壩

遂欣澤國慶秋成

尾閘操縱幸底績運口節宣俾刷清

先是高晉摺奏黃流微漾入運因諭

不可株守

拆清口壩之說宜多引天妃閘運口庶得暢流刷於

奏牘手披別有慰南

巡庶曰不徒行

# 塞山風景

塞山今歲耐清吟  
澗有繁聲樹有陰  
野勒秋霜鹿鳴懶  
林留夏葉虎藏深  
曉涼亦愛陽凹坐  
午熱還從風處尋  
略覺先時乖獵候  
南瞻晚稼慰遐心

## 鹿柴

鹿柴護周陸虞人  
謹守諸設聽雉兔  
往了識谷陵虛

木蘭

谷口例用柵木爲限  
猶不免竄竊設竟如孟氏言  
園果  
七十里已實佔芻蕘  
雉兔地什之七且芻蕘  
雉兔者必  
將相爭滋事久之芻蕘空  
而雉兔絕又將何以爲  
園盡信彼爲阱吾聞亦子輿輞

川又曾有較此竟何如

出哨

出哨登平陸行行見野莊千山棲晚稼一嶺隔秋霜

闌場

內已降霜伊邈各口以外則無蓋一嶺之隔也穫祇常年半較猶內地強釜炊

賴少濟慰不抵憂長

御製詩三集卷二十五

欽定四庫全書薈要卷一萬三千四百五十五

集部

御製詩三集卷二十六

古今體一百十八首

壬午十

木蘭迴蹕駐避暑山莊作

圍期今歲促廿五日云旋行慶兼施惠秋清正月圓天  
香屋有桂霜勒浦餘蓮晚熟蒸爲雨聽之言發泉

題不遮山樓

樓在萬山裏偏云山不遮名言何有定愜意與之遐爲

金定四八  
是初成趣歸來便領嘉喜新吾尚爾復古志徒賒

清舒山館

新秋促轡以圍期山館歸來仲序宜了識清舒最佳處  
可當頓置弗留詞不寒不暖娛人候有月有風速客時  
四壁圖書驗今昔綠窓曦影又西移

題鑑始齋

松風萬壑涼曰有讀書堂絕勝閒花草依然昔縹緲慎  
終念惟厥無水監於當思義顧名處初心寧敢忘

敞晴齋

尋鹿到山深松齋倚碧岑敞晴真及節宿雨弗留陰紫  
翠難爲狀笙竽總入吟不言圖意會其奈景開襟

清綺書屋

老松籠屋約橫溪雨過山蹊印鹿蹄此處徵詩合虞夏  
三唐清綺類醢雞

偶爲春華秋實卷各題以句

纈白標紅貴得情番風次第鬪春榮可知實盡從華孕

公幹當年特自鳴

右春華

水珍陸品分甘脆採實誰當筐  
管盛信是家丞風度在  
名言邈爾憶東平

右秋實

水月精舍

臨水有山崖崖巔小築齋  
波心常得月座上恰宜懷  
半滿都無礙古今鮮並佳  
六情淘洗盡剩祇靜因皆



綠雲樓

出樹聳高樓綠雲尚爾稠蔚青俯足底繚白見山頭愛  
此非爲雨憐他幸傲秋何來紅數點不擬再迴眸

戲題荷

夏卉何來秋仲披花中宛有歲寒姿傲寒也爲時逢暖  
然孰不云君子斯

命製鹿角椅並題以句

獵獲八叉角良工製椅能由來無棄物可以備時乘詎

是仙都遺去聲從思

家法承

盛京貯有太宗時鹿角椅今命製此亦肖構之意也

夔

夔戒倚側棣棣慎居興休剗形猶曲豐尖柔足徵底須  
七寶飾樸素審堪稱

沈周秋風話歸圖即用其韻

抑爲小雅抑幽風老筆傳神意鑒空握手河梁似聞語  
羨君策蹇竟歸東

創得齋

創得得三載每來輒愜情巖松作屏障澗水奏竽笙幽  
籟千般謾夕陽一片明奇觀又始遇覺未負斯名

夕佳樓

一谷當西日隨宜築小樓開窓延照朗落嶺潑光流霞  
燦紅新染嵐浮綠尚稠坐惟消片刻佳趣自千秋

玉琴軒

前後繞流泉泠泠潺且漩無絃並姑舍不鼓鎮鏗然秋  
氣澄見底月光印正圓水仙乘赤鯉深夜此周旋

寧靜齋

窓含水白與山青無色聲天妙淨形雖是每來愛摘藻  
靜中得句意常寧

山心精舍

信步入山深窈窕延幽賞攢簇羅諸峯變幻含萬象風  
吹林葉多秋肅鹿聲響白泉細愈颯丹楓踈益朗精舍  
竺庵旁計地纔盈丈披窓數衆竒厯若指諸掌

中秋夕對月漫成

一日輕陰傍晚晴鍾峯輪上上聲越光明千年上去聲塞誰

爲賞此夕中秋特地榮得不擘雲全體現雅宜入沼徹  
心晶花瓜絲餅隨時令冷露何人綰旅情

### 含粹齋

三間書舍敞林扉

天藻標題義入微問景詎寧欣若繡甄心益覺慎惟幾  
靜專動直都包括內聖外王時發揮擬欲閒吟概從省  
義經獨此究編韋

秀起堂

碧嶺四圍全作障中峰秀起獨成堂  
窓間見鹿任眠跂林下無禽不韻  
顏著色畫張楓葉紫宜時風送桂  
花香得詩便擬肩輿去却笑勞勞  
有底忙

萬樹園賜宴即席得句

叢樾中間甫野長

甫田叢樾爲三十六景之一又名萬樹園

清秋嘉宴拂廬

張北宛西海胥來賀

祖德宗功正未央詎曰銷兵應凱樂  
益欽守器慎幾康

訓恭儉亦示慈惠幣帛均頒實篚箱

登四面雲山亭子

策馬蘭蹊不礙涼  
虛亭憩坐敞秋光  
遠山似揖近山拱  
楓葉初丹槲葉黃  
西北諸峯倚天近  
東南一水入瀛長  
年年舊句鄰新句  
徒曰忘言那易忘

永恬居

詎是陶家逕依然  
松菊存流陰  
閑吹葉至理  
悟歸根  
鹿麋動皆靜  
禽音靖不喧  
祇宜諸慮淨  
仍繾

一人恩

素尚齋

永恬居後齋百級拾廊階既迴眺因遠當秋攬總佳不  
遷谷神景恒識

聖人懷返樸關行政勤思六字皆

再題創得齋

小憩永恬居言入西崦路林霏繚而深一步奇一步澗  
餘九夏氷峰有千年樹山齋遠不見石門近忽遇創得



真創得勝槩紛來輸萬景供平聲知新五言當去聲溫故

枕碧樓

老松橫谷石溪斜縱入深山却是家巖閣有窓皆納樹  
竹鑪無火不烹茶餘多濃翠全因暖著幾新紅幻作霞  
應接萬奇真莫暇分毫方寸那曾加

水月庵

一嶺迴隔西東竺庵石徑曲通如是花宮林下何殊寶  
月水中真機不藉僧梵清華亦有松風空翠庭陰忽落

問誰習寂義公

山行即景二首

背陽谷寒向陽暖平澗水渟陡澗流打頭落葉添於昨  
騁目疎林恰是秋

深紅淺紫纈巖枝繪事嫌他有定姿取適行山亦行飯  
雖名尋鹿却尋詩

小憩秀起堂得句

雨過寥天喜快晴肩輿聊作問山行路從西峪得猶創

堂據中峯業已成  
泉出澗邊幽脈益  
風來林下颯涼生  
起予愛此真佳處  
秀占人間有玉京

振藻樓

淺紫深紅緝萬枝  
書樓即事引清思  
春華秋實胥權置  
請看東平振藻時

春好軒題句

四圍錦簇霜枝麗  
一院芳含秋卉新  
都道仙莊稱避暑  
寧知勝地有恒春  
能言鳥起間翻影  
入夢蝶來香滿身

萬物熙熙遊化宇至今總是戴

堯仁

八月廿三日

皇考忌辰題寫心精舍

去歲圍前駐

去歲此日亦駐此曾有詩

今年圍後來永思歎時迅迴

憶輒神摧

祖德貽遊豫

宗功仰擴恢並當奉

神御恒此寫心哀

嘉樹軒

就樹昔年構清秋勝日尋輪囷一株古蔽芾滿庭陰有  
月皆澄照無風亦朗吟何當風月下恒此坐觀心

樂成閣

因迴得爲高城樓縱目遨鍾峯陵碧漢列水捲寒濤如  
在銀蟾界堪揮顧兔豪秋成纔半熟不樂首頻搔

聚香齋

衆香國土光明鏡題額

當年緬挾毫書案墨林清晝暇不開帙此讀離騷

山行夕歸

秋山暢好意爲行仙樂還饒呦鹿鳴谷逕千盤屨步遠  
靄煙一片晚涼生已看宿鳥尋林返偏厭銷人秉燭迎  
詩讀元和心有會由來白俗讓元清

經畬書屋疊前韻

塞山如罨孰爲畬書屋高無須蠹書每事惜陰較分寸

常思克已擬耘鋤芸窓旦夕堪容與靈囿煙雲恒跂予  
設以農功喻學業祇求多稼不求餘

李唐秋江待渡圖

白荻丹楓秋意深寒江不辨漢還潯布帆無恙橫波過  
誰識印須一片心

放鶴亭

或有貢鶴者綵籠巧莊校曳尾塗中龜笥藏非本好艱  
飛羽已翦仰食喉空叫憐其類乘軒榮不存所樂叶深

山叢樾間放去任騰掉一歲養翼成二歲和子效原在山莊中施亦有佳報林家明聖致張氏雲龍調於我何有焉我意其明告既以遂煙霞亦以省梁稻叶貴適生物性非學幽人操

佶閑騮嘆

萬吉

騮

闕虎

騮

歸房精繼者佶閑良且駛承平豈復有

戰爭獮狩時乘資德美馳御所向無空濶遠則木蘭近

海子抨弦蒼兔七載馱

一日射中七兔

彈蹄銀獐一斃坻

二皆海子



事塞上獲鹿難數計飛越深溝更神矣

木蘭馳射一鹿忽遇深溝騶飛

越若履平地

去歲園罷留養茲今來愈覺加長齒不任鞍勒

意猶壯牽向我前熟仰視久策爾力寧弗憐後進非無  
老成此細弱軟秣終厥年重以敝帷留待爾

### 澄觀齋

山莊小駐盤秋仲又將闌此地非常地澄觀果足觀歸  
根紛葉落結露報霜寒指日重陽到黃花開繞欄

### 千尺雪得句

源水千峯外秋齋萬樹間賞心惟物表得句乃幾間尺  
寸何須計北南豈浪扳挾沙緣過雨訝是對嫌山

再題不遮山樓

肩輿西峪趁幾閒振籜秋風頃刻間今日登樓有佳會  
別開生面不遮山

水月庵

水月竺庵如是住山心精舍適於旁欲因動靜標仁智  
不向異同論幻常

山心精舍

洒然精舍築山陞小憩雲窓攬衆奇雙嶺迴環作閭闔  
一峯孤柱是鑪錘化工真閱煙霞表道甞非從色象窺  
不約而來竭爾去普門水月證無爲

暖

閏後寒應早今秋暖異常晚田幸收半薄穫較荒強萬  
澗琴猶奏千林錦始裝因緣悞哨鹿尋繹定何妨

翠雲巖

卷二十一  
纈綠霏青看已久新紅渲染訝誰加背西斜日輝平野  
翻壁忽成一片霞

食蔗居

循流探谷源以漸入佳境得居名食蔗虎頭趣自領因  
迴易爲高憑軒目堪騁紅紫萬嶂紛青松獨崇嶺品奇  
託亦殊于于意爲去聲永

小許庵口號

十笏爲庵靜以便底從名象較言詮納來芥子應無數

何啻三千與大千

紅葉二首

青女行霜染塞林一般  
艷點蕭森世間紅紫  
安容擬目與爲幽意與深

鳴鞭猶憶綠雲纔生面  
連林萬錦開借問關  
種誇絕藝那能點筆  
一時該

對瀑

對瀑歲有吟  
今秋尚闕寫憑欄  
眄振鷺落落凌空下  
潦

盡沙灘露流壯石峽瀉有本與無本於斯可悟也適從  
瀑源來足底涓涓者

入山

入山不期深自深問景都逢美中美千林張畫色無定  
昨日深紅今日紫頭上星星豈復辭即看流陰迅如此  
與木石居鹿豕遊聞善沛然心亦企

重陽日侍

皇太后宴

皓氣澄秋日日加山莊重九更堪誇登高全攬川原美  
獻

壽欣當風物嘉綺嶺低昂綴紅葉芳階錯落綻黃花宮  
中行樂真行樂玉塞彤庭總一家

九日敬晴齋

崇椒策馬不知遠敞榭騁眸畢攬遐豈必題餽誇博雅  
真看置鹿卜休嘉

出歲時記餽上  
置鹿寓食祿意

秋風滿谷寒千樹斜

日平岡暖數家懶佩茱萸隨節令法經詔我久閑邪

迴蹕駐喀喇河屯行宮作

灤上離宮駐御輪  
深秋風物賞清真  
一彈指頃經兩月  
幾疊山曾見古人  
杞樹臨江留枿  
莽菊花過節尚精神  
塞田納稼常歌稔  
慙愧今來鮮碩囷

小金山

秋孟忽忽去曾無題句留  
重陽冉冉過言復駐旌遊  
葉落山容瘦漲消水態柔  
今春浮玉上視此有遷不

雪

九月十四日是  
日入古北口



夜報塞天同起雲凌晨玉葉遂翩紛無林不作銀花影  
有嶂皆成冰綺紋酒店旗飄近方見僧房鐘響遠猶聞  
入關廿里原秋雨南北寒暄一嶺分

秋麥

夏霖猶積潤秋麥易爲萌縱慰明年望寧忘今歲情  
今歲

夏初二麥實有豐登之望以  
閏五月多雨遂致歉收故云馳驅禁蹂躪高下總滋榮

調幕緊誰責憑輿祇愧生

立冬日微雪

九月廿二日

元冥剛旋轉集霰恰交加落地仍爲雨飛空早是花寒  
光暗遠岫潤意逼低窪應節適可止歉年貧者嗟

賜雲南巡撫劉藻之任

山左諸生推學業滇南六詔寄提封才華淘洗歸真實  
官吏甄稽福士農水旱無逢歌樂土詩書有教振西廡  
謾言萬里君門遠不隔心常達九重

題李遵道江鄉秋晚卷

丹青見布慮疑廢戲寫江鄉水墨雲却勝霸陵逢醉尉

至今猶說小將軍

鯉魚風起浪連天  
蘆葦叢中避釣船  
爾許名人嘅離合  
豈知一例幻江煙

揚子曾經三度遊  
但知春景不知秋  
鵲華師子仍同奔

足傲重光調潤州  
卷末重光跋稱是圖與松雪鵲華雲林師子諸名跡並重初爲京口石

氏物歷數百年復歸吾潤信有神合云云此卷流落多年今入內府恰與石渠舊藏趙孟頫鵲華秋色倪瓚師子林圖同歸珍祕不脛無翼而得其偶既爲之喜亦爲之愧

降旨添設五城粥廠詩以誌事

連歲洊臻滂災較昨年甚截漕五十萬潦區供炊飪五  
城有常例冬令賑粥審念茲饑饉多如傷實切朕宣命  
倍數施遠村計口廩

例設舊版並傳各城遠道艱於赴食因令四鄉各倍其數以便支給

憲臣時體察侍史其勤恁寧辭濟輿譏庶救轉壑凜調  
幕乏良方忸怩吾心審

齋居養心殿夕景

秋巡旋翠蹕冬祭入彤宮夜靜市聲達更長燭影融幾  
閒籌政要滂後厘民窮戒井銅壺漏年光幾點中

孟冬時享

太廟

午門嚴左鼓

廟享致欽崇思孝奉

先切維親執事同

獻帛酒皆宗親執事

萬年福綿奕三獻樂沖融

優恤寧常語誠知

一脈通

木蘭攜迴鹿脯分賜王公卿士雖云例事輒復成

章

塞外返秋蒐  
馱來鹿脯稠  
盈非大庖計  
思欲庶官周  
熟薦均榮  
賜歡言共  
卜庠車攻  
緬復古  
寧爲去聲魯公求

詣

暢春園恭請

皇太后安

世德申追慕  
修烝返紫垣

高年喜遊豫  
養

志御仙園來往路非遠

起居念永敦蘭階欣氣鬯

萱祀適冬溫樂在承

色笑寧須問寺閨西池風物別愛日駐高奔

御園初冬即景

午暖朝暮涼園林正小陽菊芳猶滿盎冰脆未拖牀幾  
暇親書史窓明愛景光遐思三代上返已祇徬徨

題罨畫窓

納景虛窓名罨畫四時無定攬雲煙謾言塞北江南似

避暑山莊及塔灣  
行宮並有是名神品偏欣近取便

初冬遊香山靜宜園作

御園西望即香山心託高峯數往還遙憶何如近領要  
來遊仍是此偷閒稚冬風物入神候閱歲景光轉瞬間  
幾幅詩篇欲補足片時得句我猶閑

松隲雲莊

石磴步千級巖齋得幾楹膝容聊憩止目騁足逢迎晴



晦峯姿幻青蒼林態爭山泉猶未凍階下一泓清

棲雲樓

鼎煙楹霧渺難分便是霑衣意亦欣今日棲雲盛名副  
漫從紉縵擬云云

來青軒戲題

千林突兀換濃青藉有來兮去可停來去熾然青不改  
隔鄰大士示心經

歡喜園

靜室琳宮側石橋有路通  
峯蓮層映紫盆菊簇含紅  
谷  
賈形容別心澄機境融  
一窓留暖日歡喜與人同

雨香館

千山葉落見山姿  
高館分明契靜思  
飄綠霏紅都過了  
是真天女散花時

山陽一曲精廬

山陽築小墅近隰得池  
便階下臨漪影廊迴抱溜涓  
印  
心含蘊藉觸目喜澄鮮  
設以武夷喻方開一曲船

懷風樓

層樓幽谷中樹杪望猶通澹蕩八窓納于喁萬竅同每  
思君子德敢詡大王雄十日休稱瑞滿懷真趣融

得一書屋

書屋背山臨水成芸編插架足陶情因之絜矩清寧撰  
擬議非關浪與名

對瀑

山中非無泉醺流率入地因卑導以渠垂崖數丈計其

下構書舍恍似香鑪對叶綈心去歲初斷手今年既振  
鷺落簷間欲澈砭冷沁曰色萬象涵曰聲五音備初念  
因之欣繼念因之愧何如付蒼巖無營以爲貴

夕

冬山易爲夕晝短夜亦長秉燭未可遊圍鑪足相羊戶  
外風聲謖綖彼衛士涼彊恕近求仁好樂應無荒誰云  
豫卷阿惕息惟徬徨

香岩室

淨室精嚴梵宇旁  
四時花雨落繩牀  
不須薰著芬陀利  
世界三千意蕊香

戲題鶴

鶴固青田姿聲清志亦遠  
誰教入網羅蓋緣小不忍  
崇山大澤中昂藏思返本  
防逸翦羽翼仰給資口吻  
長鳴古松間有似彼充隱

朝陽洞

肩輿陟層椒磴道幾千轉  
衆樹芳盡歇萬松顏不變  
山

凹時駐步向暖息人倦數息亦造極石洞冠古殿殿中  
坐大士洞裏天龍宴周旋向下視滿谷曦迎面冬日乃  
如春廣廈吾心繾浙中初陽臺勝蹟寧獨擅

靜室

樸屋棲巖凡數層爲高因迴語堪憑一年一到曾何謂  
冬節冬遊亦絕勝泉帶冰流出清響峰無葉護露真棱  
鏡中面目依然在審視星星幾點增

竹鑪精舍烹茶作

到處竹鑪傲惠山武文火候酌斟間九龍驀遇應予笑  
不是閒人強學閒

即事

陟似登天降似馳冬偏速景夏偏遲眼前粗事含精理  
祇有蒼山付不知

玉華岫

玉華中嶺中來往必經此因之憩羣僕精舍况清美

泉

精舍玉華  
岫別室也

我逸忘人勞想殆無其理得句亦前行遊興

殊未已

碧雲寺

兩牆詎云隔一嶺實相連  
遂賞造淨域梵唱霏青蓮  
池水澄八解天雲靄四禪  
鶴聲出鹿苑玉芝育金田  
顧步撫長松小別忽經年

洗心亭口號

碧雲寺左有佳處亭子洗心  
兩字題水鏡澄含霜籜影  
一時數典到雲棲



青春兩度尋山徑

今春凡兩度至雲棲

瞥眼冬初坐水亭試問蓮

池七筆裏可能勾得此無停

### 試泉悅性山房

真水冬弗凍名山寒亦溫  
情知有茗椀遂與過松門  
竹綠無改色藻青託本源  
何須觀玩象成性體存存

### 新月

千山入夕時斜漢一彎垂  
似惜春秋過依然淺淡披  
光雖未盈手濶已勝於眉  
宇宙以來有偶逢意爲怡

冰瀑

冰與瀑相兼寒光朗映檐半流還半結如現又如潛簇  
簇垂鐘乳明明拂鏡奩玉壺天近冷掛著水晶簾

學古堂晚坐

竟時攬名山夕景已莽蒼言歸學古堂書史娛靜賞戶  
外松風寒座間蘭燭朗豈必憶遊歷澄懷到無象古人  
貽名言瞬存息有養

曉

鱗次嬪四運曾無片刻停一消一息間昕夕於中行天  
雞唱遠村曙色輝南榮起早問奏章詎爲騁遊情卷阿  
境固佳勤政題分明

香山正殿  
名曰勤政

### 再題山陽一曲精廬

精廬今歲得山陽別一區下臨清淺鏡四圍倪范圖方  
塘雖不寬意可寄江湖遊山期兩日再至恣清娛喜新  
吾猶然奚怪他人乎

### 淨涼亭

瀦波半畝得方塘亭子中間號淨涼九夏何當無箇事  
於斯般礴眇瀟湘

題琢情閣

山複水之涯層樓攬衆奇高低皴峭倩枯菀遞藏蕤混  
沌休嗤鑿星辰近可闕七情淘洗盡玉斧倩誰施

得一書屋

青紫紫邏蔚蔚顏一致宜人靜以閒兩日遊山詩卅首  
崇情已暢可云還

麥色

香山命輕輿平明歸御園秋麥色甚佳近隴復遐阡一  
慶繼一懼其故可得言今春麥亦佳滿期餅登盤仲夏  
乃行潦將得盡失旃不惟麥失旃侵淫灾大田豈予志  
或盈嗟哉民禍延以此弗敢康夙夜惟惕乾

含峭居

小憩玉泉山山居號含峭餘興試迴望萬峰都在照東  
陽昇溫暾西嶺輝寬窅昨近所遊歷一一觀其竅向題

亦偶然今朝識真妙

清眇亭

欲命歸輿尚有閒重教如睡攬冬山今朝清眇真佳處  
不在蒸紅縛綠間

內朗室

南華喻虛室生白實於內東坡譬鬪隙率欲遊物外二  
義似逕庭達觀審無害竹篴即竹篴有喚斯觸背尺宅  
發清機朗然常自在

叶

登玉峯塔頂

昨日縱眸明在下今朝舉步歷登高陽山不及穹窿半

吳語陽山千丈高  
不及穹窿半截腰得概何妨各自豪

題妙香室

上山至竟由山下一切有爲爲了無靜室居然成小憩  
妙香領處忘同殊

清音齋

靜明絕勝處山秀水偏清不凍波常激如雲松鎮撐節

臨小春別景與淨機迎天籟悠然發聞疑韶韻聲

恭祝

溫惠皇貴太妃八旬千秋

椒塗連歲慶筵頻五世孫曾共燕申

八秩鴻禧初啓節

三宮眉壽最高人芳稱早見盈彤史淑氣時方麗小春  
每憶

堯年承眷日推



恩推教出情真

馬遠歲寒三友圖

纈朵鋪枝雪未消一般寒意各飄蕭  
竹梅解道同爲友可任孤松獨後凋

雪

十一月  
初五日

夜間高空起凍雲侵晨瑞葉佈縈紛  
本非渴望逢尤幸即得優霑僉共欣  
滂配早占隴麥護攢團似助益梅芬  
寒增遑避徒枉誚賑粥施衣且盡勤

京師冬月例賑廠  
座增十之五米皆

倍給昨並命支帑製  
絮衣萬五千丐貧民

冬至

南郊禮成述事

大裘將事曙光凝嶽嶽

三垓跼步登金度緹筒惟應候玉瑄牲特以差升陽閭  
長至欽

天對歲歉今秋爲雨恒祇有虔懷籲時若慙無嘉德致  
休徵

癸未春帖子

晷德歲臨癸更春日在庚金穰占吉兆揆序達勾萌  
璿杓艮維轉鳳籥未支新喜動青旂色今年兩遇春  
菁菁盤菜行春餅馥馥宮花綻早梅干呂青雲雖未見  
遵王西旅却頻來

除夕

霞光擘綵箋成什殿全編鼎篆香凝栢鐙花瑞結蓮今  
宵餞今歲明日迓明年不息四時嬪貞恒一氣連

御製詩三集卷二十六

總校官庶吉士臣侍朝

校對官編修臣王坦修

謄錄監生臣梅德

欽定四庫全書薈要

集部

御製詩三集卷二十七

八

詳校官原任編修臣徐立綱



欽定四庫全書薈要卷一萬三千四百五十六

集部

御製詩三集卷二十七

古今體七十四首

癸未一

癸未元旦

萬戶霏微颺慶煙  
瞳眬初旭啓韶年  
共欣月屆三陽泰  
早見春歸十日前  
北戒墾耕籌樂利  
西瀛職貢正聯駢  
內安外順誠佳會  
懼盛持盈益凜然

元旦試筆

粵宛迴春肇歲初春臺物象總閭如

帝車運幹臨陳揆天馬頻繁來執徐皇極會歸遵道路  
太和誅蕩集簪裾親賢勤政斯今始敢曰休寧或怠予  
鞠陵義御煥重光鳳紀干支均叶祥願共民情同協洽  
更逢歲德合昭陽幕調雨十兼風五牒驗蠶登與稻昌

出淮南子

曉闢永康趨進賀

思齊福壽祝無疆

詠爆竹



一線走金蛇隨風舞勢斜騰空為瑞氣落地是祥花元  
旦延千喜春雷響萬家聲中四十字手速八迴又

新正養心殿

竹苞松茂廣深沈宵旰恒茲惕照臨中正仁和銘在目

四字乃

皇考

御書常聽殿中

士農工賈廛於心鈞陶怡喜三陽泰

職殖還希六字惜安逸不圖所為養書屏日日當

去聲

師

箴

題歲朝圖

乾清宮西暖閣几上周虎鐔一具供木根如意及  
吉祥草

皇祖手植也逮今歷數十年弗敢移置適回部貢果至  
槃貯其側天然歲朝吉語因為之圖並成是什

草穗吉祥號木根如意呈鐔于歷周代溫室貯乾清  
手澤欽淳樸心傳符一精西瀛珍果至北闕歲朝迎吉  
語天然叶新圖率爾成休徵緬

昔省藻思引今賡

歲朝圖聯句

有序

粵若癸符揆叙紫濛疏屬咸賓未協味滋青陸康  
功肇稔半子乍當陽復三宵瑞蕊連塋先庚旋迨  
春頒十日條風入座爰臨溫室載紀芳朝旁徵姬  
代之範銅早列

堯年之雕几傳均鳧氏腹皤而和鼓能調鑒擬斛斯項  
直則芒筩可捋貯以靈根擢秀佐指揮者樂意相  
關參之異卉鋪榮承披拂焉祥飈自集矧法物已

常供

奠砌寧嘉生猶待補

蘿圖迺有實落湟中安若蒲梢競爽珍輸輦下黃甘粉  
荔標奇馱應蹠躐名駒西來及熟結豈鬚髻獨樹  
東面知榮盛時憶銘在雙盤撫新苞乎倍郁貢處  
峴表隨特磬求舊器矣彌諧緊餞臘方擅餘妍暨  
迎韶更欣得氣一幘既敝成吉語八义因趣召文  
筵吟賡百句而羸簡授五巡以匝然而厥包厥篚

對時每懷綏遠之仁維梓維桑道古遑釋崇

先之敬亦庶幾長言臚實不矜艷吐椒花抑惟是首祚  
導和毋負暉增蕢燭也哉

御製歲朝佳語詠乾清前席珍臣引共賡如意吉祥綿

祖慶

載歌喜起愜

皇情

堯階翠莢條初茁康國金桃實早呈屏綴馨椒凝淑氣

臣傅恒

戶轟爆竹驗春聲  
鴈農占稔金穰叶象魏宣

仁木德行揆正三元舒出輿

臣來保

味滋萬彙達勾

萌暖催花信梅馥雪脆試蔬香菜和飴綵勝為人

宜令甲

臣劉統勳

繡楣帖子進先庚

亮工座是中垣拱

乾清宮為  
禁垣中殿

錫福班纔右个擎

鴻寶排籤環乙乙

臣梁詩正

御製蓮壺依案聽丁丁  
靈根嘉兆同民豫  
瑞草貞符叶物

成三品錯陳回部果

雙枝駢護佛臺甕植時憶展

兜羅毼壯處傳馳沫赭駢治貴霽瓷堆火齊

臣陳惠華

懸嗤

節鼓注芒莖鈞涵妙有和而盎瑞紀蕃昌碩且盈

宛爾指揮文竹幻

臣劉綸

天然菌蠢秀芝榮

如意揣稱

利夜

佛以吉祥為利夜

猶華土辨種菰沙本闡城

吉祥草梵稱菰

沙與內地同名異種

房壁扶南苞礪礪

臣董邦達

根移博望顆晶

瑩

石榴

宣州產漫矜粘紙齊俗投寧論報瓊

木瓜

萍實

底庸如斗剖

臣彭  
啓豐

御製來禽差擬用囊盛

蘋果

春盤峯幹

回語鮮  
果也

惟珍飮周器

罇子以虎名古澤色含芳潤味

遠芬清挹配藜英鏡中適兆千禧集席上真逢五

美并

帝貺韶華華始協

臣觀  
保

聖貽嘉履履端迎

九霄節物多膺景一愷年光



特寫生

御筆即景繪圖並題排律幀端以識

緼瑟風旋諧鳳琯

臣于敏中

天庥同符慶節

宣毫輝早麗花桁膽瓶最勝礬茶豔露甕相於竺柏貞

肇泰從心專卉木

臣錢汝誠

綏豐有象遍垓紃筌熙未

許形摹肖嵇陸應輸疏譜精况是幅員恢蕩蕩

臣張

泰開

御製祗惟

謨烈仰明明

三朝禁秘勅幾伴萬里遐方獻責誠條鬯青陽宣太族  
丰茸朱草啓華平

儀鎗晨賀鴈班旅旆旄春朝鴈塞倅哈薩之西連鰈贄

臣王際華

筠沖以外接鳧旌新歸冠帶爰問屬舊輯共

球大府羸職貢編函殊紉辮

臣寶光

同文喻志譯僉

停舍婆鉢遞波旬域噉嚙笏郵疏勒程玉並琢枰

孚黜碧

臣金姓

銅還似豆鏤迴衡崑源使不煩青鳥

火站胥頻載赤廩遂漬堪膏飴石蜜

臣王會汾

御製詎操薊醬淪葵羹蒲萄別苑今恒熟苜蓿離宮昔已

輕圖擬董祥徵弗祿

石渠寶笈中有董祥歲朝圖軸

鼎聯侯喜拜彭亨

大絃鏗麗咸韻翕凡籟喁于瓦缶鳴八伯際方同復旦

臣倪承寬

廿臣數更邁登瀛瞻從

琅笈仙雲捧

賜出瑤筐異核傾

四部貢果至臣等並蒙

分賜

奚羨薰來吟殿閣

臣蔣

櫟

可知革食燕簞笙綺錢采絢琉璃樹葩瑤瓔

垂韎鞞授簡堂廉增抃躍

臣盧文弨

拈題倪筦罕量評標池常展熙春繪鞠脆齊斟介  
壽觥皇矣繩繩欽我

后

臣邊繼祖

御製襄哉贊贊助諸卿敢誇溥海均和樂所願寰區時雨

晴肯構億年延

福履承

天萬國奉元正

仇英水仙蠟梅

冰鏤芳葩蠟纈枝  
託殊水陸契風姿  
月明相對如相語  
只恐人間金玉之

新正重華宮

元陽迓新祉  
端月勤庶績  
所希政咸熙  
益勵強不息  
來賓瀛極西  
以德星拱北  
惟是蒙

天庥詎云由  
己力延洪在  
知足敬勝斯  
念克休養戒  
更張寰海願  
職殖

題鏤玉百子屏

玉鏤孩古有祥徵宜子孫吉光聯片羽詩傳叶前言略  
綴亭臺景宛看笑語溫筍登李氏牘樹近謝家軒昔事

曾傳沼

漢有百子池

今時亦命門

重華宮前即百子門蓋國初所命名

斯男詠

則百雅化箇中存

元人雪江漁艇

天寒魚不餌雪江集網師別有垂竿者或謂是翁癡翁  
云取適耳寧為金罍資

博洛爾部沙瑚沙默特伯克所進武器製匣藏之

並紀是什

文列星行光溢濤切崑瑯似斷秋毫于閩西去千餘里

博洛爾在和閩西幾二

那數尋常玉櫛刀

宋開寶二年于閩貢玉櫛

刀 千里和閩即古于閩也

右回劍

齊斧言旋早洗兵更無拓遠祇持盈集鱗流仰寧當拒  
厚往惟嘉底貢誠

右回斧

降旨加賑直隸山東去歲被水州縣詩以誌事

聞人有恒談新年宜言吉降旨加賑飢救民他遑恤念  
茲燕趙區連歲靈霖溢嗟哉艱食艱閭閻生計失調幕  
慙無能空言不如實例卹雖百方增賑與再一齊右乃  
接界顧此彼可弗亦命展月限毋俾向隅屈專澤體

天心

天心本陰騭願祈錫康年勝予小補益是謂大吉祥言



情聊點筆

竹根如意

錢陳羣所進既成是什復郵致令其和之

首曲非由燥火成天然寧是裁

去聲

金營匠人雕飾嫌工

巧高士指揮愛格清有節更看文以貴從心不踰矩斯  
貞本宜賜與齊賢器摘藻翻因獻憲卿

題和闐玉採藥仙

龍變熊經解納新筐鋤採尚步嶙峋寄言百藥須精檢  
多有蹲鴟溷茯神

題宮中行樂圖一韻四首

喬樹重巒石逕紆前行迴顧後行呼松年粉本東山趣

石渠寶笈藏劉松年此幅喜其結構

摹作宮中行樂圖

古雅因命金廷標摹為宮中行樂圖

小坐溪亭清且紆侍臣莫謾襍傳呼閼氏來備九嬪列

較勝明妃出塞圖

幾間壺裏小遊紆憑檻何須清蹕呼詎是衣冠希漢代

丹青寓意寫為圖

圖中衫履即依松年式此不過丹青遊戲非摹漢人衣冠向為禮器圖序

已明示  
此意

瀑水當軒落澗紆巖邊馴鹿可招呼林泉寄傲非吾事  
保泰思艱懷永圖

王冕畫梅即用其韻

浙東新品誇香片

香片梅近始出會稽

冰萼瓊枝纈翠苔誰識無

端風月下前身曾向箇中來

新月

碧漢拂鈎纖今年新玉蟾韜輪原不缺具體且生尖柏  
酒方虛爵華鐙已綴檐行將上元至盼惜一心兼

題黃公望江山勝覽疊舊作題張宗蒼倣畫卷

韻

昔命宗蒼倣公望固知得髓非得皮如何畫就率成什  
竟致數典翻斯遺笑予忘本尋其枝閱十載乃重題茲  
徒觀一氣滔滔者想見經營般礴寫聚精毫芒以內乎  
放意楮墨之外也耳疑三峽砰雷音目延兩岸森雲林  
宇宙以來便有此安容塵世論昔今此老南宗故高手  
入室右丞誰曰否吳門契友惟懶瓚撫卷叫絕開吟口

當時卒業十歲餘蓋湊神來非坐須大江我亦浮三度  
以畫質之無不如湔氏遙源因憶諸造化靈秀潛翊扶  
小哉南昌帶五湖

新正重華宮侍

皇太后宴

家宴開初歲稱觴獻

聖慈瑤屏百壽字銀燭九華枝物色行看鬯春聲總是  
怡敢云

天瑞鼎恒願祝

鴻釐

山東章丘縣民王欣然壽一百三歲其弟瑞然壽  
百歲昆季一堂期頤萃慶詩以賜之用表閭里  
涓水由來廖氏泉雞山今有地行仙不希終嘏及純嘏  
罕見欣然與瑞然棠棣枝同椿樹茂鵲鴝羽共鶴翎翩  
友于篤慶勤耕讀致壽斯宜表厥賢

題錢維城花卉四種

施朱太赤著粉白諷賦形容有獨工  
杏靨梨腮對顰玉  
別開生面笑東風

右梨花杏朶

鄭人擬贈楚人佩香色都稱絕代材  
設使花王思籲俊  
蒲輪空谷自先推

右牡丹幽蘭

裙綃紅映鈿金黃風處如霏雲  
外香聞道廣寒宮殿裏  
桂枝原是四時芳

右桂花月季

五銖一斛真同調  
設色當於寓意求  
二物如誠比戶足  
吾將高枕又何憂

右罌粟金錢

新正瀛臺書懷二首

萱祀問安退瀛壺  
閱歲來日融冰色  
暗風拂柳稊開淑  
景方徐釀漏聲且  
謾催盆椿馡五出  
思到石湖梅

宮牆近市酈爆竹  
響聲連帝里  
真稱富荒村  
豈盡然迴



思遭潦地更切望民天慶賜雖乘令中心祇益煎

寶月樓

液池輾輾冰床過春閣崢嶸翠蹕停栢子祥煙鼎噴馥  
椒花吉語勝霏馨行時窓俯九條陌數<sub>上聲</sub>日階舒五葉  
冀歲歲御園上元度高樓寶月付詩屏

同豫軒

碕岸周遭鏡影暄中央金碧煥瀛臺東南綴景茲堪憩

軒在瀛

室東南

西北遵王方邇來

時四部極西愛烏罕部之愛

哈莫特沙汗及哈薩克西部

烏爾根齊部之哈雅布汗哈齊玉蘇部  
之努喇麗汗巴圖爾汗以次奉表貢馬

窓俯六街驗蕃

庶民猶三代慎栽培曰同固可然艱矣言倡斯非益戒  
哉

題涵春室

聞之昔賢言人心小天地曰元長四德曰春首四氣於  
心斯為仁百慮而一致題室匪即景顧名願思義憑軒  
韶律昌是為萬物備

題和闐玉烏窠禪師圖

巢居上古亦烏窠莫訝禪師庵是柯八十老人行不得

錢塘太守道如何

二語巢括白居  
易問禪師事

山僧於此忘夷險玉

匠無端費琢磨隨意常言具真諦底須三藏演波羅

### 題蘇漢臣嬰戲圖

郁郁復亭亭傳神畢肖形易天數廿五

國中嬰兒  
凡廿五

詩王

去聲政盈寧岐嶷露頭角崢嶸蘊性靈少懷夫子志詎止

玩丹青

紫光閣錫宴外藩並各回部即席得句

紫閣高騫黃幕低舊藩新部賀正齊宜頒湛露聯疏逖  
怡看卿雲蔚配藜德愧衆星拱北極疆踰大夏譯東鞮  
謾詢計里為多少拔達克山西更西

紫光閣錫宴聯句

有序

園鄰豐澤三巡傳卜晝之觴殿莅武成九譯輯朝  
正之瑞愛烏罕纏頭乍遣獨隄拔達層嵐努喇麗  
交臂仍徠齊度火敦巨澣典早徵夫勝賞時均被  
以榮施乃有技擅飲飛材雄超距五日春生靈沼

鋪匳則冰鏡猶疑半竿暹曜趨陂轉旆而礮車通  
發倏訝鮫人梭擲得標直探龍宮旋疑玉女箭投  
呼雋平分鶴陣既占朔旦爰集通班礪山帶河長  
頌

先世百年之朔左賢右蠡備繪

皇家一統之圖鴻臚序舊隸新蕃粵席敢爭滕薛太史  
書東任西侏充庭寧數漢唐憶曩者旅振由庾筵  
開上巳及獻歲賡慶成之什為比年定柔遠之經

從此瑞牒貯雲臺北望丹霄常垂濛汜庸階勒煙  
閣西來紫氣鎮繞觚棱詎勞貫月以偕迴期叶占  
星而從好茲也句聯七字頌宜人恰當人日之前  
少焉名綴重行歌戩穀還佇穀辰之後

御製  
紫閣重輝勞凱師自茲春宴率於斯舊藩列坐新評  
接

豹旅分曹鷺序隨燕落早賡雲縵詠朝正常譜露  
瀼詩觀光逮萬有千歲

臣傅恒

拱極合四十九旗况

有名王徠頡利更通荒徼越龜茲行依賓鴈春迴

塞

臣來保

贄疊琛鸛曉拜墀

殿壁麟圖功罕匹

苑瀛魚藻地相宜

武成一自翬飛英

臣劉統勳

豐澤無煩鳳帝垂

舊時筵宴例於豐澤因張大帳次自紫光閣落成後遂移宴於閣下

峯歧崑崙循嶠道海尋蒲類驗潮期東風先報霄

干呂

臣梁詩正

御製

北斗剛逢月指寅哈薩克三汗內附

西哈薩克哈齊王蘇部之努喇

麗汗巴圖爾汗烏爾根齊部之

哈雅布汗同時奉表遣使入貢

愛烏罕一使初馳金花

箋嚕克靄表

帕爾西語謂表箋也

赭汗驄額色披

謂馬也亦帕爾西語

騃拔達山仍輸韃韞霍

韓部亦效權奇爰問四比傳趨蟻

臣陳惠華

散秩同途

代展葵

額爾格納阿濟比齊里克沙藏比格馬拉特比巴斯奇斯穆拉特比四部並遣陪臣

入賀元

正希布查克之散秩大臣

阿奇木亦令其弟賚表代伸忱悃

閭闔晨開天誅蕩



儀鎗晴耀日  
琴麗鴻臚九  
擗班隨虎

臣劉綸

象譯千重陞

夾螭職貢繪  
螭摹立本早  
朝句陋和王  
維階前干

羽瞻還顰

臣董邦達

堂上笙鏞聽共怡

宣對不違

顏咫尺歸誠何敢味差池

慰詢通俗聯疏逖

臣彭啓豐

御製和樂同人示惠慈  
午夜且遲陳火戲  
液池猶可試冰

嬉旭光漸入舒長候

韶景初臨鬱謁時芬  
棹錢銜垂棘壁搏桑木燭鞠

陵曦三番花數

花信五日一候自立春至此適當旬有五日

經旬遞

臣觀

保

七種蔬看詰旦治圖啓元辰

庸作載

諸臣皆蒙與歲朝圖聯句

名

書占甲子屢豐綏

是日甲子占書以正

月上旬逢之

為豐年之兆

彤闈左个青陽轉

臣子敏中

紫闥西華翠罕移鏡吹導

輿磳岌峇鈎陳環保頰  
葳蕤徑分瓊島雲方靄

臣錢汝誠

橋

對金黿凍迨斯蘭泛光縈鑪馥桂柳稊煙亞蓋凝

芝輕貂候

仗排連襪

臣張泰開

御製回鶻迎塵伏冒彫帕爾西文言呐呐得斯撻

四人纏頭帽也

帽首嶷嶷仰流自集非招致

食野相將豈繫縈延蔓三階交綺屬璘璣四座接

茵比炙行騰臑兼膳膾

臣王際華

餌薦饅饅與饌餐桐

乳膩浮青玉盃膠餠醲清爛銀匙陪臣懷核昭恭

惘

臣實光熙

衛士傳餐治

寵私綽爾多歌將進酒阿思滿

回語謂天為阿思滿

祝

大來釐鏗訇鈞樂招音繹

臣金姓

絳縹銖衣舞隊襍漢伎

魚龍跳八丈唐花跂鄂匝千枝聲翻傑侏緣幢幻

臣王

會汾

御製種別蒲萄饌肉遺笑臉于思共見藻虔心鞠脃式鴻

儀調停底藉東西幕

唐史突厥突騎二國使爭座中書百僚議於東西幕坐兩處今各國

使惟聽指使列

坐無敢爭者

燕衍均

頒伯仲卮囊挈鐐鏐爰賚以幄羅筐篚俾承之罽裳飫

澤榮逾袞

臣倪承寬

鬢貌銘懽感浹肌衆庶惟祺生嘒嘒太

牢既饗樂熙熙蘭臺史昔慙留志

臣蔣櫟

子墨卿今

憑騁詞鑿空使騫行未到滑稽臣朔語難支一家

中外涵罔煦

臣盧文弨

泰始訢閭普阜滋受輯共球來

莫不報言瑤玖尚乎而

德咸若是其敷福

臣邊繼祖

御製頌庶幾哉勿忘規棧谷梯山憐慕化薄來厚往沛恩

施八埏萃慶承

天佑一意持盈慎已思

重華宮茶宴內廷翰林等即事書懷並令賡韻

例事文臣禮每加新韶曲宴賜重華杯休醺醑勞行酒

盤飮饌餽可侑茶七日為人明便至八甌數

上聲

影未云

斜聊酬節令非鳴豫饒有憂心盼麥芽

人日

七日為人日人爲萬物靈天心見乎復春意釀於青古  
語騰仙木祥葩映綵屏情田欣茂對善長驗義經

新正恭奉

皇太后幸圓明園即事一律

人日初過日卜祥俶韶行慶發儀鎗遠來近悅蒙  
熙洽萬歲千秋奉

壽康曲折園林餘雪色高低炬樹艷年光穀辰喜值晴  
和候敢曰占豐實顙穰

大西門賜宴諸外藩回部並閱軍容因成長句

幕張廣甸大西門惠遠筵加三接恩粵澤早知消伏莽  
詰戎亦示重苞根馭聲疑啓春雷蟄士氣真教寰海吞  
仁祖德威懸聖日於

皇赫濯至今存

祈穀齋居即事

元旦賀

慈寧正朝拜夷使有事弗得齋次辛依往例然予益憫



衷端居滋惕惴樂固簾徹懸炬乃簷猶綴春朝恒卜昌  
亦曰祈農瑞雨詎非為澤昨年殊亟備顓調八有休肅  
凜三無義

### 和聞漢玉歌

今之古玉率稱

平聲

漢和聞玉古稱

去聲

漢名爾時博望初

鑿空月氏要領得無能去百餘人二人返傳聞纔識于  
賓城崑崙泐澤多玉石即今包貢猶堪徵繩窮匣開爛  
然現雞冠為色斧為形瓊璫自稟天地秀汗馘血浸皆

虛評入土出土即信有猶當勝彼埋幽垌相如詭奪和  
壁返荀息假道垂棘呈抑為得也抑為失於玉何有紛  
人情不藏不逾吾慊若用誌萬里來賓誠

題沈周畫菜即用其韻

老圃家風真盡占蒼生此色那全無題詞重舉東坡語  
看作監門鄭俠圖

祈穀禮成述事

玉輦從從度炬田

祈年寶殿敬祈年  
樵蒸焜引非煙起  
鐘磬和依太族宣  
思昨潦行惟惕  
惡撫今春始益寅  
虔祭朝元旦  
歲均未滋味  
穰金翼

賚全

御園新正書懷

郊壇歲祀祀林苑  
答韶春

慈慶千秋奉朝儀  
萬國遵放燈  
今夕始錫爵  
遠方均豐  
歉評量處匪欣慊  
以頻

挹春室

萬物既形既色四序曰嬪曰乘總是乾元一氣不息化  
工獨能詎止花花草草弗遺蟬蟬蕭蕭我意寧惟斯室  
春臺普願同登

迎步廊

曲廊堪屨步佳景每迎人行飯真強體尋詩恰得神曼  
迴臨露蕙斜轉護風筠取適非蕭范誰論故與新

綏德齋八韻

樸斲據佳勝選題率與名斯齋號綏德切已益屏營又  
用諧三事勤思惠萬氓風惟君子慎草亦庶人情緬禹  
曰予懋欽堯在克明乾元恒不息謙吉凜虧盈斧藻修  
常行去聲干文格八瀛澡身擬銘席敬迪奉天行

沈周花下睡鵝即用圖間原韻

石有丰棱花有姿睡鵝宜畫又宜詩南華經倩石田註  
才不才間酌取之

曲項偷眠夢草青那期帝女嚙霜翎分明道德經相換

太白詩中誤逕庭

按唐史云黃庭經是六朝人書晉史載寫道德經事因李白詩世人遂以

黃庭經為換

鵝經云云

上元前夕曲宴宗親

十分團魄九分探暢好韶年  
恰未酣周雅正宜詠行葦  
宋詩那更數傳柑共聽階下儀  
鸞翁待看樓西火鳳氈  
雖是歡言答節令大都  
要義祝田蠶

集漢玉印復得十六製匣藏之並題以句

古色煥爛斑炎劉俊可攀  
吉人看茹彙尚友伴幾間紐

檢符分寸春秋閱往還如因問名氏應在顧厨間

偶為溪亭煙篠並題

無色色天形匪形遙峯數點送來青平分風月千秋調  
朗照乾坤一草亭

碣礧詭石倚蒼簑溪上虛亭眇渺茫欲擬世風還燧古  
非關家數較倪黃

上元夕侍

皇太后觀燈火

大德應知百祿臻

康強福履却輿輪

天垂旗翼明徵壽地縮方蓬火迫春朗對蜺膏輝燿燿  
歡惟麟趾弄振振宮中嘉節宜行樂此樂還期萬國均  
上元燈詞八首

天上蒼龍迴玉斗人間赤鳳集金支敢為豫大豐亨語  
幸是

重熙累洽時



碧漢無邊一色朗銀輪初度十分圓燈詞昨歲從頭讀  
行慶西樓又隔年

去年趙北稱觴度今夕上林列炬陳中外同欽天下養  
慈寧福履祝千春

琉璃冰結梵王燈寶塔崔嵬十一層便是黎軒人善眩  
陸離光怪謝難能

玉樹分明蔚崑嶠星橋直欲接鹽池耀光崔躍愛烏罕  
聯遯鴻賓努喇麗

翡翠火成蒼頡字琳琅花吐赤城霞越裳重譯還重譯

葉爾羌回人譯愛烏罕語準噶爾人譯回語然回語準語皆習而能之若以周時語論之當為四譯矣

笑

語樓前總一家

歲什燈詞八首新寧當不稍弊精神因之絜矩千重燄  
長此宜多後議人

鐘鼓誠懸歲未登淮南主術訓垂曾承

慈歡復同民樂欲罷翻因愧不能

題陳汝言山水卷

溪閣低臨碧水寺樓半隱青峯師承本得北苑

謂董源見董其

昌跋語

津逮何妨九龍

謂王羲之筆法大似之

靄靄瑤林雲起垂垂

鐘乳泉淙大似若冰洞畔惠山雨裏曾逢

上元後一日雪

昨歲霖多地氣滋未經望雪雪尤宜總為春澤寧辭渥  
特讓元宵更覺奇火樹銀花增景色扶風馮翊寄懷思  
潦行畿輔連遭沴二麥涵培廛此時

王齊翰江山隱居圖

翰林好寫丘壑隱佳麗江山稱考槃粗勾入木三分信  
細理得環一氣完鑪地磔裂神自蔚曇華示現香常漫  
摘詞不可為恒語應作我聞如是觀

上元後一日小宴廷臣

節後欣逢稷雪披瓊英點綴九華枝席珍招引猶嘉夜  
尊獸分明在論思居歎享豐惟慙若聯情示惠偶為之  
管絃金石云宣樂亦曰吁哉未信斯

愛鳥罕刀

西蒙奉表馳使倂獻名駒二杼遠誠陪臣乘傳達帝京

敬同諸部朝元正豐饗曲宴皆預令承筐幣帛厚賜行

緊密爾漢

密爾漢陪臣名

感悅并貢刀可否諮公卿笑而許之

聯彼情長跪百鍊雙手擎彎如碧水弓在檠雖弗適用

器則精

刀取輕直乃宜刺斫此刀等如半弓知不適用

上有白氣橫庚庚不資

磨瑩漫理呈匣度武庫誌偃兵玉關開後通崑瀛既非  
招致來亦迎殷殷予意惟持盈

# 題金廷標醉八仙圖

或有唐臣或漢臣忘年友聚翠嶙峋仙同子美歌七字  
名換知章輩八人世外煙花付荏苒壺中懷抱寄清醇  
蓬瀛天地骨騰閱絕勝沅湘獨醒倫

燕九日作

歷歷元宵漸度全西樓惠遠炬重燃今朝例舉東山客  
大宛誰知北谷仙玉樹尚餘延喜玉錢家那藉買燈錢  
却欣節事酬將罷明日摘詞有靜緣

題漢玉半截觚

片羽吉光煥旗孫與作徒心空禪客蘊貌瘠地仙腴寧  
可無當誚端資為錯模夔龍蔚曼衍田海閱須臾真是  
古中古休言觚不觚足知全體秀半截美人圖亞形父  
庚之類  
世人不能名率云美人觚然博古諸書無以此稱者以  
其尚相稱故仍之元人有題半截美人圖詩因並引  
喻戲及之

王蒙林泉清趣

倚巘長松繞屋筠溪邊策杖鶴為賓何須世上留名氏  
不是南朝充隱人

御製詩三集卷二十七